

An Extract of two Letters of M. *Hevelius*, of June 19. and of Octob. 7. 1671 ; containing some of his late Celestial Observations, touching *Saturn* obscur'd by the *Moon* ; a *Lunar Eclipse* ; and an Occultation of the first of the *Satellites* of *Jupiter* by the Shadow of *this Planet* ; a Transit of *Jupiter* and the *Moon* ; and a late Appearance of *Saturn*: All here deliver'd in the Language, wherein the Author communicated it.

Nuper, 1. Junii st. n. rursus Saturnum & Luna teetum mihi ex voto annotare obtigit : Initium Occultationis accidit hora matutinâ hic Dantisçi 3.38'.27". circa Montem Germanicianum. Linea Itineraria, quantum ex solo ingressu haud obscure colligere licuit, transit per M. Ætnam ; centrum ferè Lunæ, per M. Horminium, M. Herculis, & superiorem partem Maris Caspii. Erat spectaculum multò jucundissimum, Sole oriente, Saturnum occultari, ac Tubo 20. ped. appulsum distinctè admodum animadvertere ; facies tamen Saturni genuina, ejusque annuli, eo Tubo, eoque tempore, haud satis accuratè, ob diluculum Solemque Horizonti ad eò vicinum, apparuit : hinc etiam Saturni exitum, ut ut omnem admo-verim lapidem, neutiquam deprehendere mihi licuit ; præsertim cùm Sol ad duodecim propemodum gradus jam elevaretur. Nihilominus meritò nobis gratulamur, quòd hanc rarissimam occultationem Saturni nobis observare obtigerit. Ego, quantum memini, bis tantum, se hujus anni observationem excipias, intra 41. annos, Saturnum à Luna teetum vidi ; Anno nimirum 1630. die 29. Junii, vesp. hor. II. cùm in freto Danico circa Insulam Huennam versarer : Rursus Anno 1661. die 3. Augusti hic Dantisçi hora 7.58'.20". vesp. Nam etsi tales Occultationes sæpius contingant, non tamen semper serenitas Cæli affulget, ut eas observare possimus, nec momentum Conjunctionis in nostro semper accidit Horizonte.

Eclipsis Lunæ Totalis A. 1671. Sept. 18. ft. n. observata Gedani à Job. Hevelio, solummodo sub finem.

AD hanc observationem Eclipsos Lunæ totalis cum mora vespere ingruentis summâ alacritate nos accinximus, præ primis cum non ignorarem, Præcellentes viros, diversis in locis, summâ diligentiam pariter cum observaturos. Sed tota die ab ortu ad occasum, imò ad horam 8. 30'. usque, pluviae assatim inceserunt, ut nihil quicquam de Lunæ exortu, occasuque Solis, nec de initio Eclipsos, totalisque obscuratione deprehenderimus, ut ut avidissimè ea omnia expectassemus. At hora 8. 30'. per nubes debiles, satis tamen crassas, Lunam subobscurè animadvertimus, & quidem tanto lumine jam imbutam, ut dixisses, Eclipsin jam esse præteritam. Quandoquidem ob illas densores nubes non dabatur, neque nudo oculo, neque armato bene longis & præstantissimis Telescopiis, 20. viz. pedum, Lunam rectè discernere; An scil. Luna jam lumen suum omnino recuperasset, an vero tantùm particulam aliquam gauderet? nihilominus satis superque exinde certum erat, totalem obscurationem jam minimam esse eo tempore præteritam, imò aliquanto adhuc citius: Siquidem Lunam rursus adesse nos omnes per nubes illas satis dilucidè deprehendimus; qua de re eo tempore haud parùm mirabar; quippe sciebam optimè, Calculum Rudolphinum Initium hujus Eclipsos hinc Gedani indicasse Hor. 6. 17'. 19. totalem Immerisionem Hor. 7. 14'. 25"; maximam Obscur Hor. 8. 10'. 26"; emersionem Hor. 9. 6'. 27". & finem Hor. 10. 3'. 33". Ex eo vero phænomeno elucebat, hor. 8. 30'. jam Lunam minimùm aliquid luminis recuperasse; quod tamen calculo, ultra dimidiam horam, adversabatur: Sic ut Eclipsis in Cælo mul.ò citius ingruerit, quàm Kepleri Calculus id indicaverit: De quo etiam brevi post adhuc certiores facti sumus. Nam nubibus aliquanto dissipatis, animadverti, Hor. 8. 34'. minimùm ad integrum digitum jam extra umbram sese Lunam extricasse; & denus hor. 9. 41'. ad 1½ dig. lumen Lunæ jam excrevisse, quantum id dijudicare circiter dabatur. Certò enim dictas phases definire, & secundùm Maculas delineare, neutiquam nubes obscuriores pluviaeque permiserunt; quandoquidem nec meliori Tubo ne unicam quidem maculam discernere potuimus. Deinde ab hoc tempore obscurissimæ nubes, pluviaeque satis densa rursus totum Lunæ aspectum

adspēctum nobis planè eripuerunt, ut nihil amplius de hac notabili Eclipsi (neque phasēs ullas, neque ipsum finem) annotare potuerimus, præter ea leuiuscula, quæ commemorauimus: Quæ tanti non sunt, ut ad differentiam Meridianarum rectè cognoscendam vel determinandam aliquid (seti quidem à nobis omnibus constitutum erat) contribuere possint. Interea tamen abunde ad id sufficiunt ut ostendant, Eclipsin hanc citius reuera incidisse, quàm calculus Rudolphinus ostenderit.

Occultatio Primi Jovialium ab umbra Jovis.

CUM Anno 1671. die 25. Sept. st. n. manè ex condicō Dn. Cassinus Parisiis, & Dn. Picard Uranburgi suscepissent, ad occultationem Primi Jovialium attendere, volui haud minus ego huic Phænomeno diligenter inuigilare; sed frequentissimæ nubes ab hora 2. ad h. 4. 27'. impedivēre, quò minus Jovem vel semel quidem conspexerim. At ubi emicuit, deprehendi, adhuc 4 Joviales omnes adesse, tres sc. à lævâ, & unus ad dextram. Duo illi propinquiores ad sinistram haud procul videbantur à limbo Jovis, non minus ille, qui ad dextram apparebat, aliorum Comitum minimus. Hærebam autem initio, quinam duorum illorum viciniorum occultari deberet, cum serè pari interstitio à Jove remoturentur, tum motu propinquiorum tardiori incederent. Hinc dubius serè eram, an etiam eo ipso tempore in vutino, appropinquante jam aurorâ, umbram aliquis incurrere posset. Quippe ad quintam usque & 7'. serè, omnes quatuor (ut ut cælum jam livesceret, atque Joviales ob leuiusculas nubeculas ægè interdum spectarentur) distinctè apparebant. Præter tamen omnem spem, Hor. 5. 12'. videbatur mihi propinquior ille Comes ad lævâ (respectu Tubi mi, qui inverso ordine objecta exhibet) penitus evanescere, remanentibus illis tribus, quanquam ille dexterior magis magisque etiam ad Jovem accedebat. Ab eo tempore, quousque ob cælum planè nihilum adspēctus Jovis mihi concedebatur, hor. scil. 5. 23', haud plures, quàm 3 deprehendi, in simili constitutione, ut sub N^o 3 vides. Uti comites ad Sinistram abunde micabant, imprimis ille vicinior, qui socium amiserat; alter vero ad dextram, vix ac ne vix conspēctus, ob auroram jam bene adultam. An planè momentum ipsum temporis id fuerit immersionis illius Comitum, vix ausim ad id certò as-

firmare; nihilominus tardius non incidit illa occultatio; sed ante
 noncomminuto ferè, adhuc citius fortè, ingruerit, facile concesserim.
 Proxime Octobri & Novembri cum primis, quando Jupiter à Sole
 citius remotior, puto posse accuratius illa Phænomena animad-
 verti.

Utum autem aequè benè hæc Phænomena ad investigandam dif-
 ferentiam Meridianorum conducant, ut quidem Occultationes
 Fixarum à Luna, habeo fere cur dubitem; præprimis ob minus
 tardum Jovialium motum; quod hisce mensibus fere semper in aurora
 observari debeant, quæ magnò est impedimento accuratis observatio-
 nibus, ut ut etiam accuratiori Tubo, (quemadmodum & ego hac vice
 Telescopio 20. ped. usus sum,) peragantur.

Sec. hor. amb. mane.	A. 1671. Sept. 25. ß. n. Immers. Primi Jovial in Umbram ♃.	Distantia & Altitudines.	Quo instru- mento.	Tempus correctum.
Hor. "		0 " "		H. "
4. 36. 25.	Jupiter primum conspectus.		Tubo 20 ped.	4. 32. 0.
4. 42. 40.	* * O *			4. 38. 0.
4. 51. 5.	* * * O *			4. 47. 0.
5. 7. 25.	Altitudo Procyonis.	34. 43. 0.	Quadr. Orich.	5. 2. 7.
5. 11. 0.	* * O *		Tubo.	5. 7. 5.
5. 16. 35.	Primus Jovialium evanuit.			5. 12. 0.
5. 17. 5.	* * O *		Tubo.	5. 13. 0.
5. 21. 0.	* * O *			5. 18. 0.
5. 26. 5.	Altitudo Procyonis.	36. 39. 0.	Quadr. Orich.	5. 23. 27.

Jovis & Lunæ Transitus, A. 1671. die 30. Septemb. st. n.
manè observatus Gedani à Job. Hevelio.

UTut Ephemeridum Scriptores ad diem 30. Septemb. Occulta-
tionem Jovis à Luna fore Americanis solis conspicuam præ-
dixerint ; nihilominus tamen hîc Gedani ego invigilare huic Phæ-
nomeno volui, ratus, si Cælo sereno & bene longis ac præstantioribus
Telescopiis uterer, fore, ut ea non minus à nobis Europeis, (si non
noctu, saltem interdiu) quàm Occidentalioribus, dummodò vigi-
larem, conspiceretur, licet orto jam Sole ipsa Conjunctio, horâ
scil. 7. matutinâ, juxta Calculum Rudolphinum incidat. Proinde
fudo admodum Cælo, Lunam protinus orientem, nec non paulò post
Jovem, Tubo 20. pedum summâ aviditate excepimus, atque de-
prehendimus Ostante nostro permagno Orichalcico, 9. ferè pedum
radio, Jovem à Lunæ limbo Orientali adhuc 1. gr. 23'. 40". esse
remotum ; Jovialesque omnes quatuor à dextra, à qua Luna ac-
cedebat, adesse, eo propemodum situ, quem Delineatio ostendit. Si
aliquanto citius incidisset Conjunctio, atque calculus non
aberrasset, jucundissimum fuisset spectaculum, omnes Vid. Tab. 2.
Fig. 1.
Joviales successivè unum post alterum à Luna absorberi.
sed nulla fuit Occultatio, ut exitus docuit, sed arctissimus tantum
accidit Transitus, Lunæ scil. falcate decrescens, tenuique admo-
dum lumine splendentis. Ceterùm, quò accuratius hoc Phænomenon
animadverterem, complures distantias, Jovem inter & Lunæ lim-
bum Orientalem, lucidiorem nempe, sum scrutatus, primùm permagno
illo, quem dixi, Ostante, quousque Solis præsentia id concedebat ;
deinde Tubo, & conjecturâ, meliori quo licuit modo, sum affectus ;
sicut & ipsâ Observatione vides. Initio quidem dixisses,
fore Jovem reverâ tectum à parte Lunæ Australi ; sed V. Fig. e25-
dem.
cùm ipsa Jovem proprius accederet, clarè admodum vi-
dimus, Sole licet jam orto, Lunam supra Jovem tantummodò
transitutam. Ipsum quidem Conjunctionis momentum insperatus
quidam Casus infeliciores deprehendere prohibuit. Cùm enim Jupiter
ad limbum Lunæ orientalem ad 3 jam accederet, atque ad 6' dun-
taxat à linea Conjunctionis, per utrumque Cornu ducta, distaret, ecce
supervenientes nubeculæ, que tam Jovem quàm ipsam Lunam,
vobis è conspectu, magno nostro dolore, eripuerunt ; secus enim op-
timè

time & perquam distinctè ipsum Conjunctionis punctum observassem: quandoquidem (quod sane miraberis) & Lunæ corniculatam faciem, utpote tertiâ tantum ante Solis conjunctionem die, & Jovem, Sole licèt ad 8 vel 9 grad. elevato, optimè & accuratè conspeximus; quippe brevi post, cùm cælum rursum sudum feret, aliquoties, imò continud quousque libuit, & Jovem & Lunam summa cum jucunditate contemplati fuimus. Profectò phænomenon hoc, ut oppidò rarum, sic fuit observatu dignissimum; eoque magis, quo diurno tempore accidit: Qualium Observationum, ut ut sint rarissimæ, tres tamen ipse, unius anni spatio, circe Venerem scilicet, S. tirnum & Jovem, feliciter peregi. Animus quidem erat, circa hunc Jovis Transitum plures & majores distantias Jovis & Lunæ à Fixis quibusdam, ob horum Planetarum loca eò accuratius observanda, ex ipso Cælo depromere; at cùm statim Aurora ingruerit, mihique soli, cum unico socio relicto, omnia peragere, tam Quadrante, Octante, quàm Tubo, incubuerit, in tanto temporis spatio, ut harum rerum gnari norunt, fieri illud haud licuit. Ex iis tamen, quæ observata fuere, abunde patet, Tabulas Astronomicas plus promittere, quàm revera adhuc præstare, ideoque seria correctione, non secuntum Longitudinem modò, sed & Latitudinem, indigere; quandoquidem Tabulæ Rudolphinæ Occultationem, eamque multò citius, promiserunt, cùm tamen nulla omninò fuerit, sed, ut dictum, arctissimus solummodò, ad duos propemodum digitos, transitus extiterit, horâ scil. 7.26'.0'.

Facies Saturni A 1671. de 11 & 12. Septemb. st. 11. in 17° ✕ observata Gedani à Job. Hevelio

AER turbidus obstitit, quò minus post 1 Junii ad 11 Septemb. ne semel quidem Saturnum, Lunâ silente, notare ac delineare potuerim. Quali autem facie tunc temporis (nuper die 11 Sept) apparuerit, quàm rectissimè & diligentissimè delineavi, atque hîc transmissi. Oportet, ut vobis eodem tempore simili formâ Saturnus visus fuerit. An verò mense Junio, Julio & Augusto cum planè rotundum conspexeritis, ut volunt Parisienses, vix mihi imaginari possum. Etenim, ut ut brachia Saturni ad latera apparuerint arctissima, etiam Tubo 60 & 70 pedum; haud tamen credo, ea omninò evanuisse, ita ut ne vestigium aliquod fuerit reliquum, Fortasse Parisienses Telescopiis brevioribus

in ipso crepusculo, Lunâ præsentē, Saturnum contemplati sunt; quo tempore vix ac ne vix datur subtilissimum illud phænomenon (uti mihi, primo Junii, Tubo 20 pedum, Saturnus cùm occultaretur à Luna, obtigit,) ritè ac distinctè cognoscere. Scripsi hac de re nuper ad *En. Cassinum*, & *Dn. Picardum*; quid responsuri sint, avidissimè expecto.

AN Extract of a Letter, written from *Hamburg Novemb. 1. 1671.* by the Learned Doctor *Fogelius* to the Publisher, concerning the *Spots* of the *Sun* returned; and the last *Eclipse* of the *Moon*; Here communicated also in the same language, in which it was written.

— *M*aculæ Solares iterùm nobis apparuerunt, nunc tamen non amplius visibiles. Mitto *Cl. Henrici Siferi Observaciones*, Telescopio mediocri longitudinis hic factas. Postremis quidem Cælum feliciter favit, ad id ut à primo ferè die, quo iterum apparere cæperunt, ad usque 5 Septembris, quo ad Limbum quàm proximè accessère, continuo quasi filo tum Motus tum Figura earum representari potuerint.

Æque nos hic, ac *Hévelius Gedani*, calculum *Rudolphinum* in nupera *Eclipsi*, die 8 Sept. facta, aberrasse deprehendimus. Emergisse enim jam Lunam ex umbra Terræ ante horam nonam etiam hic vidimus. Juxta Calculum modò dictum, *Gedani* emergisse debuerat h 9. 6'. 27". Tempus autem utrobique nubilum *Observaciones* utrobique invidit.

Maculæ in Sole observatæ *Hamburgi* A. 1671.

diebus mensis Augusti.	} Et Sept.	26-h. 8. matut.	} 1-h. 1. pomerid.	V. Tab. 2 Fig. 3.	
		27-h. 1. pomerid.			2-h. 2. pomer.
		28-h. 1. pom.			3-h. 11. antemer.
		29-h. 11. antemer.			4-h. 12. merid.
		30-h. 11. antem.			5-h. 11. antem.
		31-h. 1. pomer.	Et h. 4. pomeridianâ		

non amplius visa est mihi *H.S.*

Fig. I




Fig. II





Fig. III

